


B. N. C.  
FIRENZE  
1035  
27



1035 22

111 R.C. 111





## A T

F. Aegidio Marchesino Dominicano Bonon.  
Lectore, IIII. Nonas Aprilis.



*Exudebat Ioannes Rubens, auspice Mercurio. 1563.*



# ORATIO

IN VITAM ET IN MORTEM  
SACRAMENTUM  
AN  
HABITUS DOMINICUS ADHIBET  
SACRAMENTUM  
SACRAMENTUM  
SACRAMENTUM



1045.27-

REVERENDISSIMO, AC ILLVSTR.<sup>mo</sup>

DOMINO D. IOANNI MUGNATONES

Ordinis Eremitarum Sancti Augustini,

Episcopo Segorbicensi, Patrono  
suo colendissimo.

F. GVLIELMVS BONONIENSIS  
eiusdem Ordinis.

S. P. D.



ANTVS fuit erga Illustrissimum  
HIERONYMV M Scripandum  
amor meus, vt cum quãdium in-  
ter homines vitam egit summa  
semper obseruantia, & pietate  
coluerim, & eundem postquã  
ad superos abiit, non summo perẽ amare non possim;  
Et quoniam eius iam vitæ nihil prodesse queo, illius fa-  
mæ, quod possum, consulere enitar. Hinc factum est,  
vt eius laudationem, quæ hic in funere illius habita  
est, ab Aegidio Sodali Dominicano auctore, in pri-  
misq; mihi amico, quasi vi extorserim. Nam cùm ego  
incredibili quadam cupiditate arderem, vt ea oratio  
in publicum prodiret, quo tanti viri laudes nulli non  
innotescerent; contraq; ille recusaret, quod diceret  
eam non sibi dignam videri, quæ in doctorum virorũ  
manus perueniret, nec a se eo consilio habitam esse, vt



vnquam ederetur; tandem multis precibus cuique, ut  
eam mihi traderet, ac quicquid illa facere vellem, mi  
hi permetteret, eam ego continuo Typographo excu  
dendam detuli, tuoque nomini, cui mea omnia accepta  
refero, dicaui, ratus hoc tibi munusculum non ingra  
tum fore, propter singularem tuam in ipsum Seripan  
dum beneuolentiam, ac vitæ studiorumque similitudi  
nem, necnon ipsi auctori satisfacturum, si ea sub tui no  
minis tutela edita esset. Quare sanctissime Præsul sum  
mopere ab te contendo, ut hoc quicquid est, cõple  
ctaris solita illa tua benignitate quam in me semper  
ostendisti, præcipue vero eo tempore quo Tridentū  
venisti, ob visitandum Reuerendisimum Seripandū  
tunc Generalem Ordinis nostri Magistrum, quod si  
abs te factum intellexero, tantam eo nomine a me ini  
bis gratiam, ut post hac nihil esse possit, quod me ti  
bi debere non profitear. Dat. Bonon. x1. Cal.  
Iulii. M D L X I I I.



IDEO V. B. uosq; *Augustinianæ*  
religionis patres, misero casu *mæstissimi*,  
tantum me oneris hodie pro concione su-  
stinere, ut uerear ne cum de re mihi pro-  
posita orationē habere cæpero, tūm uel  
doloris quē ex funere præsenti maximū

capio, acerbitate succumbam, uel grauissimo sapientiæ uestra iudi-  
cio, ex spe dicendi deturbatus, cum per exigua orationis copia sit  
elargita, deficiam. Nam quis unquā satis lachrymabilē *HIERO-*  
*NYMI SERIPANDI* Cardinalis Amplissimi, Eremitanēq;  
familiæ solis splendidissimi obitum deploret, sibiq; à lachrymis tem-  
peret, ubi plurima maximaq; præstantissimi uiri in *Rempub. Chri-*  
*stianam*, merita, uel animo suo uersauerit, uel ea me recensentem  
audierit? Quis cum tantarum uirtutum monimenta nobis erepta  
esse senserit, non miserrimè ferat, non uehementissimè doleat? Quis  
præterea quantauis dicēdi arte instructus, innumeras *Antistitis*  
huius dignissimi laudes, ac præsertim coram iis qui summa sapien-  
tia præditi sint, satis abundē oratione cōplectatur? Verum singu-  
lari uestra humanitate frētus, ac eo magis, quod non tantum uos  
rei magnitudinis, sed & temporis angustiae rationem habere cre-  
dam, eo studio ad tanti Cardinalis laudes prædicandas me conuer-  
tam, ut quanquam in summo assiduoq; dolore uerser, tamen sperē  
eius obitum eò minus nobis fore luctuosum & acerbum, quo ma-  
gis intelligemus, cum nec mortis telo confodi potuisse, nec ulla homi-  
num obliuione posse deleri. Nam si is qui semper & alta spectā-  
uit, & æternam *DEI* immortalis sedem animo contemplatus, sese  
ad uerum decus, & gloriam meditandam, dies ac noctes euexit,

humanorumq; præmiorum spe contempta, in rerum diuinarum contemplatione uersatus est, quo ad beatorum oras tutius, ac uelocius peruolaret, minime & hominum interitum obrui, & oblivione posteritatis extingui potuit, profectò quanta ui animi possum, non uerebor, & felicissimam huius præclarissimi uiri memoriam concelebrare, & uobis corâ, qui (quod eius conspectu orbatî estis maximè affecti esse uidemini) proclamare, *HIERONYMUM* Seripandum, & Sanctissimum, & Optimum Patrem, & Cardinalem maximum non esse mortis ui exhaustum, sed cum Deorum cômertio per beatum, tum æterna immortalisq; uita frui, id quod re ipsa ne præsem, an uerbis tantû pollicear, queso pro uestra in uiros bonos pietate, obsecroq; ut attento libentiq; animo paucis audiatîs.

*HIERONYMVS* Seripandus patria Neapolitanus, parentibus clarissimis ortus, ubi primum sapere cæpit, uirtutis amore inflammatus, totum se à pueris *Augustiniane* Religioni deuouit, cui data sibi à parentibus uenia obligatus, eum suæ uitæ cursum traducebat, ut paucis post annis, ad eam suorum laborum frugem peruenerit, ut iam summis patribus charissimus esset, qui maximâ de se spem cunctis adinueret, & ad uitæ sanctitatem colendam, & ad rerum diuinarum humanarûq; disciplinam percipiendam; In tantam itaq; spem euectus *Romanus* *Aegidius* *Viterbiensis* Cardinalis, tum *Eremitarum* ordinis summa patris accitu proficiscitur, publicoq; Religionis certo munere aliquot dies functus, iam omni disciplinarû genere eruditus, *Bononiæ* magistratus lauream suscepturus, quo docendi auctoritatem consequeretur sese recepit, qua honorificentissimè cohonestatus summum alim huius cænobii doctorem (*Gabriele Veneto* Ordinis magistro annuente) aliquot

anno

annos egit. tūm Pauli tertii Pontificis Maximi iussu Romam re-  
uersus, Vicarius Ordinis primum, demde summus Religionis Au-  
gustinianæ moderator, ac pater, miro cum omnium plausu creatus  
est. Quam prouinciam ubi sanctissimè integerrimèq; gereret. eo  
uenit, ut eius fama uirtutèq; monitus Paulus, hominum (ut nostis)  
spectator elegantissimus, decreuerit eum Cardinalem inaugurare.  
Id quod præstaturum se re ipsa significasset, nisi nouitate quadam  
temporum impeditus, eum ea dignitate ornandum, in aliud tempus  
prorogare maluisset. Paucis post annis ordinis comitis Bononiæ,  
eo imperante, habitis, ibi cum sui præsentiam facere non potuisset,  
quod interim grauissima uoletudine opprimeretur, per procurato-  
rem publicum egit, ut patres intelligerent, se summo ordinis magi-  
stratu sponte abdicasse, huiusq; seculi oneribus fessum, uelle se re-  
siduum uitæ tempus rerum diuinarum contemplationi accommoda-  
re. Quod quanquam omnes ægre ferrent, pleriq; autem admira-  
rentur, potuisse illum in animum inducere, ut quæ alii magna ui re-  
tinerent ipse sponte deponeret quæq; alii plurimi facerent, ipse ne-  
gliceret, affectus, quædam uiuendi rationem nactus, multos ante an-  
nos Cæsar: notus, quod eum de re sacra concionatam Neapoli au-  
dierat, sibiq; ob eam rem totum deuinxerat, ab iniunctissimo Im-  
peratore Aquilani Ecclesiæ Episcopus decernitur: Is recusans,  
quod minimè honorum cupidus esset, nullaq; humanarum rerum  
spe teneretur, publica regni legatione qui fungeretur, habitus à ci-  
uibus dignus, ad Imperatorem pro Reipub. salute legatus mittitur:  
ad quem ubi uenisset, non prius passus est Imperator ab eo sibi  
Reipub. ciuionq; causam expom, quàm Salernitano sacerdotio  
honestatus, Archiepiscopum se creari permitteret, quàm Cæsaris  
summam,

*summam, & clementiam, & benignitatem (quod frustra munus il-  
lud legationis obuisset, nisi eo sacerdotio se à Carolo uoluisset orna-  
ri) ubi reuere nequiuisset, iis ab Imperatore munificentissimo im-  
petratis, quorum causa legatus fuerat missus, Salerni Archiepisco-  
pus designatus, in Patriam reuertitur, ciuibusq; iis, quæ à Carolo  
afferret, expositis, Salernum profectus, illius Ecclesie eam curam  
in administranda Repub. sacra gessit, ut boni pastoris nomen suo  
sibi quodummodo iure uendicaret. Interim Dei Optimi Maximiq;  
munere superstes sanctissimus, ac beatissimus pater Pius Quar-  
tus, qui eo uno præcipue uti uellet, quod eius ope speraret, se iam in-  
clinatam, & propè iacentē Rempub. nostram erigere posse, decre-  
uit re ipsa præstare, quod Paulus tertius facturū se pollicitus erat.  
Romam igitur accersitus in sacrum Cardinalium conuentum maxi-  
ma cum amplissimorum patrum letitia cooptatur. inde ut uir ido-  
neus, & qui ad maximas res gerendas uideretur accommodatus, à  
Pontifice maximo probatus, ad publicam Religionis Christiane  
Synodum Pontificie sedis autoritate, Legatus Tridentum mitti-  
tur. Quò cum uenisset, à Collegis suis honestissime exceptus, cum  
nullis laboribus frangeretur, nullis oneribus præmeretur, ita Rei-  
pub. Christiane prouinciam suscepit, ut eo uno tanquā præcipuo,  
ac firmissimo Ecclesie fundamento, cum tota res sacra niti uide-  
tur, tum defendenda componendaq; crederetur. Iam quæso Præ-  
stantissimi Bononienses nonne Præsul hic sanctissimus eam ob rem  
natus esse uidetur, ut peractò huius uitæ cursu sola uirtute duce,  
quam unam admauit, amplexusq; est, iis se curis traderet, qui-  
bus, & aditus ad Cælum pateret, & immortalitas uitæ compara-  
retur? Nonne in quam talem se gessit, ut non mortalium aliquis,  
sed*

sed ut castissimum omnium uirtutum exemplar cum se præstaret,  
 qui & cunctis prodesset, & Christi causam pro uiribus tueretur,  
 & cum duobus Paulo se quoque profiteretur cursum consummasse, fi-  
 dem seruasse, in reliquo sperare repositam esse sibi coronam iusti-  
 tiæ quam profecto reddet ei suisque similibus in ea die iustus iudex.  
 Quis non uideat solem hunc orbi terrarum illuxisse, ut esset quem  
 sequeremur, & ad præternis gloriæ palmam consequendam, & ad  
 certissimam uitæ cælestis in terris traducendæ regulam comparan-  
 dam? O Cardinalem sapientissimum, imò religionis Christianæ  
 singulare decus, & ornamentum, quem non potuisti tuæ sanctitatis  
 uestigia sequutum ad diuinarum rerum amorem accendere, ad hu-  
 manarumque contemptum impellere? Quem non consuetudo sua-  
 uissima delectauit, non morum probitas inflammauit, non sermo-  
 num castitas ad Deum pie colendum, religionemque intrepide ser-  
 uandam animauit? Verum mecum perpendite uiri Bononienses,  
 quò Cardinalis sanctissimus progrediatur, eum sub extrema hora  
 Christi militem agentem fortissimèque, ac inuictissimè in mortis ago-  
 ne concertantem uideamus. Iam igitur cum uenisset summa dies, ac  
 ineluctabile tempus senio ferè confectus, quòd ætas iam grauissimis  
 oneribus, quæ quotidie pro Religionis re tuenda sustinebat, impar  
 esset, Legatum pro Concilio Tridentino fidißimum agens ardentissi-  
 ma febris corripitur, cognoscentque acerbitate doloris optatissimam  
 horam accessisse, quæ eum, & carnis uinculo dissociaret, & corpo-  
 ris nexu dissolueret, et cum Christo Redemptore, quem unum per-  
 petuò castissimèque coluit copularet. Tum urgentis morbi impetio  
 eo animo se aspernari uisus est, ut dum febris feruore aestuaret,  
 eiusque ut paulatim consumeretur, non dolori succumberet, quem  
 summopere

summum patiebatur, non mortem extimesceret quam præsentem cernebat, sed cum uirum se fortissimum in perferendis laboribus præstaret, diuinâq; uirtute sustentaret, totum se, ut qui placidam uitam traducere uideretur, castissimis rerum diuinarum sermonibus, piisq; admonitionibus tradit, postulatq; ut hi quos charos habet sibi asseant, non ut infirmo sibi grauissimâq; laboranti obsequantur, sed ut laborum suorum testes amplissimi, secum humana fata negligant, mortisq; timore omisso, huius uitæ exitum commententur, & extremæ diei statum forti magnoq; animo ferant, Cælumq; intueantur ad cuius spectaculum contemplandum cum nunquam curuentur in terram, tum semper altas mentes teneant, erigantq; se tanquã angelorum comites, ad Deum optimum maximum piè castèq; colendum, utq; qui solum diuina sufficiant, non se cum ex hominum cōmercio emigrare oportet, uita extingui, animiq; uigore priuari arbitrentur, sed sperent credantq; iis qui piè sanctèq; uixerint, certum esse in cælo, ac definitū locum, ubi Beati æuo sempiterno fruuntur, atq; id propter nullas ob sui desiderium lachrimas fundunt, maximè uero in ea re sui erga illum beneuolentiam amoremq; declarare, ubi letentur quòd ex uinculis huius corporis tanquam è caliginoso carcere euolauerit, breui in eam requiem euehendus, ubi nullus est labori locus, nullus morti impetus relictus, sed immortalitatis corona donatus, perpetuos beatæ uitæ fructus, è liberalissima, munificentissimâq; manu Dei percipiat: secū præterea cæli ac terræ moderatori gratias agāt, qui maxima in eo adiuuando utatur clementia, quod cum eum carceris huius custodia celeriter liberaret, tum id & ea tempestate faceret, & in eo loco præcipuè, quo instaurandæ Religionis ergo uenisset. Hec tanta  
animi



animi charitate, tanta uultus hilaritate, tanto dicendi studio recens-  
 febat, ut non febris feruore maceratus, non ualitudinis uis iam pro-  
 pter exhaustus crederetur; sed quanquam in summo corporis dolore  
 uersaretur, tamen dubiis assidentes relinqueret, plus ne in morte  
 uirtutis quam in ante acta uita ostenderet. Sapientissimè hunc mo-  
 dum, atq; suauissimè ubi suos & ad pietatem, & ad iustitiam, &  
 ad Religionis Christianæ defensionem cohortatus esset, monuissetq;  
 ut terrestria tanquam inania, ac caduca bonorum simulacra con-  
 temnerent, caelestia uerò, quorum spe nunquam fallerentur si ea se  
 qui uoluissent, uehementer optarent, corporis nexu soluto cum ma-  
 ximo omnium desiderio, incredibiliq; lachrymarum profluuio, septua-  
 ginta iam & sex annos natus è uita exiuit. O Seripandū Cardi-  
 nalem Sanctissimum, uiuendiq;, ac moriendi exemplar tutissimū,  
 num te exextinctum collachrumemur, qui ut sydus fulgentissimum  
 ad supremam beatorum oras euectum perpetuo nitore effulgeas? de-  
 clarat tuus quam felicissimus ex hac uita discessus. num te morien-  
 tem doleamus an nos ipsos potius tua sanctissima consuetudine de-  
 stitutos elugeamus, o præsidium Christianæ Religionis firmissi-  
 mum, quibus uerbis tui memoriam recolamus, quibus officiis tua  
 in Rempub. Christianam merita prædicemus. Uitam tuæ pro-  
 bitatis uestigia sequamur, lugendiq; loco assiduam operam de-  
 mus, ut & tuorum uerborum uim memorie commendemus, &  
 tuorum exemplorum sanctitatem re ipsa præstemus. Vos uero  
 Eremitani Ordinis patres, ac fratres optimi ne flete HIERO-  
 NYMVM Seripandum Cardinalem clarissimum, nunc magis  
 quam antea uestrum, ne uestram in eum pietatem lachrymis ex-  
 plete, sed ut eius, qui de uobis uestraq; Religione semper est bene-  
 meritus



meritis memores gratissimi, *HIERONYMVM* Seripandum  
& funebri hac pompa, ut cœpistis, concelebrate, & literis, ac piis  
sermonibus cōsecrate, ea spe ducti uos nō eo orbatos esse, qui ad me  
liores sedes est elatus, sed sanctissimis eius prœcibus tutissimos fa-  
ctos, ob idq̃ ad cœlum uobis aditum patere, ut quem in terris  
patrem optimum experti estis, eum in cœlis iam immor-  
talitate donatum, ut alterum *Augustinum*,  
Religionisq̃ uestre conseruatorem,  
ac Protectorem æternum  
colatis. Dixi.



FINIS.

*Handwritten notes in red ink above the text:*  
*Adm. 1035 22*  
*1035 22*  
Permittente Reuerendo P. Inquisitore.

*Handwritten notes in red ink below the text:*  
2  
1035 22

99956736







